

温州市图书馆

東甌詩集 七卷 續集 八卷 續集

補遺 卷

共 4 册 存 4 册 排架号 06895

温州市图书馆

東

甌

續

集

卷一
卷二
卷三

借玉悔虞絃治葉奉

付鈔

東甌續集詩序

詩本情之所發而

其人士觀者詩則

國初作詩者雖

以於世無傳天末之

銘

○

東甌續集詩序

温州市图书馆

東甌續集詩序

詩本情之所發而形于言者也夫言乃心之聲而詩為言之精者其人亡觀諸詩則其人可知矣吾溫自晉至

國朝作詩者雖多名家惜無好事者為之哀輯遂致湮沒散亡是以後世無傳焉宋之時雖有東甌詩林止錄當時數家而不及他代元之時雖有遺芳集止錄趙氏數人而不及也他姓得於此者或失於彼莫能遍舉遠及不足以傳示永久成化間樂成蔡君璞嘗自宋狀元十朋王公為首暨後之諸家得數十百首萃為一帙名曰東甌集持以示諫且欲為其校正以序其端予時心雖許之自分才力弗迨不敢遽以芻蕘之言冠於諸先達之首末幾璞物故遂因循至今甚為平生之憾弘治初郡大夫長洲文公宗儒嘗欲取樂郡詩文為文獻集未久亦故繼文公者江右鄧公安濟亦

嘗以斯文為己任一目於郡齋出示是編即璞舊所錄者因假歸
不揣踈陋略加刪削固不敢以蠡測之見而沒人之善焉繼復於
家藏舊本及於文獻大家訪求得西里石渠桌齋暨昆陽文獻等
集日夕披味取其長而棄其短惟以闕于治化及詞之醇正者錄
之固不以人之窮達情之厚薄而容私意於其間焉合而計之復
得若干首與前集多寡頗類目之曰東甌續集不然吾恐靈芝瑤
草與凡草木同歸於朽腐豈不重可惜哉今諫非不欲旁搜博採
使一郡之詩萃于一帙無少遺漏第以老病侵尋精神凋落正如
短綆而欲汲深小管而欲窺大豈能多及哉但以己之所知者補
璞之未知餘皆闕之以俟後之知者補吾之未知焉茲復僭踰而
敘之于首者無他蓋將酬昔者不言之許是即延陵季子掛劍之
遺意耳集既成鄉之好義者康培十數輩亦皆爭相出帑以助敘

刻則其人知所趨向而非惑於他道者可比矣是尤不可不書
弘治十六年歲次癸亥秋八月既望郡人東山歸老趙諫謹序

溫州府

06895

陳謙

華蓋峯

趙克非

秋夜寄李介甫

冷泉亭

湖頭別業

上塚

山中

送黃簿

書趙荷畔壁

古祠

習靜

雪

採薇逕

除夜

有懷

秋夜步登月井

竹鞭

秋晚

夜歸

社燕酬張桂庭



戴養伯

合溪水閣

南溪暮春

潘樞

嚴陵祠

酬趙葦江

偶成

金山頭

林垚

過胡堰

陳淳祖

看雲

重過惠泉

移居鄭司業舊宅

溫征婦吟

陳天祐

春夜雨後懷王宰

梅元春

悼馮壽君

雪夜書陳素齋壁

夢回

賀趙荷畔別墅落成

趙師秀

簡同行翁靈舒

薛師石仄廬

一真姑

岩居僧

秋夜偶成

孤山寒食

夜宿江浦聞元八改官
贈寫竹上人歸湘

潤陂山作

呈友人

池上

秋日遊棲霞觀

翁卷

夢回

泊舟龍游

閩中秋思

石門菴

同徐道暉趙紫芝泛湖

周氏東山堂

贈滕處士

贈李丹士

不食姑

周道士自足軒

冬日登富覽亭

偶題

徐道暉

題翁卷山居

山中

送翁卷至邊

永州寄翁卷

和翁靈舒冬日書事

楊柳

徐靈淵

夏日懷友

夏日遊謝公岩

夏日湖上訪隱士

登橫碧軒繼趙昌父作

登薛象先新樓

東甌詩續集卷之二

趙希迈

琴川精舍寄城中友人

吳中秋懷瓜盧諸友

真娘墓

題金倪編呈岳總卿

泊毗陵西郊卽事

雨霽春行

廢院

新夏

小桃源

老叟

書山人居

宿溪村書舍

山寺看桃

南臺徐靈照靈淵皆有作

亦文齋竹

險運

晚立池上

雪夜竹屋約友人登楚臺

慧力寺

贈沈兢

黃姚灘

瀟湘寺

汀畔

偶得

涌金湯

落照

五斗

歲杪

携家

次昭城

到貴州

夜分

深村

偶得

漁人

萬頃田

鶯

蛙

楊妃井

王生山水歌

秋風

玉川煮茗圖

夜雨

西風

路轉

仰收

南湖

趙崇滋

求酒趙許事

宋慶之

廢墓

姜元鼎

然上人還松臺

自石湖至苕溪

湖上

潘希白

積霽

題雲山圖

無名氏

題景星壁

許及之

湯婆子

廢塚

薛有夔

過米氏居

送人之京

徐似孫

白石岩

宿山寺

即事

林一龍

山中聽風

白沙至方林嶺

次飲水登萬象亭韻

夜坐吟

十四夜觀月張氏樓

西省餘醺殘雪呈諸友

趙崇翁

過楊子橋

宋眉年

山步

僧覺新

訪道士不值

僧法照

表忠觀

楊氏婦

送夫從軍

馮成

至永嘉偶成

陳寶之

寄陳同甫

自述

寄同甫

馮遜

送人歸姑蘓

元夜

柘山道中

山村秋夜

宿山菴

研軒

漫興

懷曹井立

種藥

客懷

赤壁

秋日會陳素齋

春日郊行

宿秀峰新居

水漲

采石

楊妃圖

沈埤維舟

白溪舟中

道中

吳端

山居漫興

草堂

春懷

徐儼夫

賀黃見山應薦

直釣和韻

春晚

東甌詩續集卷之三

趙處澹

擬古四首

九日會飲翠麓

村居

丁山眺望

山行和韻

八月十四夜

雨邊

冬至書懷

追和陶淵明咏貧士

偶成

長門怨

擬玄真子漁歌二首

春日卧病

濯纓亭

借榻

月夜

偶成用溪陰韻

寄友

和韻

厭雨

清明雨中

題周恭叔謝池讀書處

趙茗嶼

寄高善勝

野望

清發軒

有所思

五日

送安國北歸

在所嘆次韻

餞秋客

營盤

菊者以事棄官

述懷

杏村聞其友謝昌元二趙一家俱入翰苑

休官

眉峯水陸寺

趙肅遠

赤松

雙溪寺用張令韻

多景樓

岳王墳

楊妃菊

孤嶼

中秋西橋飲酒用韻

冬夜偕徐敬室白石歸

蔡槃

遊古寺

竹

寄北澗

雷別

山城即事

雪中懷祝聲之

寄何尉

客中

病中

山居

遊梅菴

宿碧瑤山房

人間

旅中

越山早行

瓜州

金陵

春思

江湖贈隱者

冬夕寄友

自敘

次幽居

書信臣宅壁

寄雪蓮姚監丞

約友同遊

次倪梅村見寄韻

鄭介道見訪

謁范文正公祠

錢塘懷古

遣懷

客中聞聞鶴

謁濂溪先生故居

范增墓

湖上感舊

問程

九日僧舍偶成

宮主祠

林節之

杜甫遊春

史伯璿

岳太守席上紀遊

黃友

挽高都護

顧華

水西亭

和陳子上遊地於閩

即事

東甌詩續集目錄卷之四

李孝光

青天有鸚鵡

過山寺

雨後村行二首

苦竹村

十里

秋晚別業偶成

越鄉次韻

白沙早程

樂成

辛亥玉川問歸

泛舟登輿

次晚春韻

東林廢寺

鄭昂

阻冠

舟至南塘

閏八月歸故山

樓遮

感懷

二首

呈尹古岩

蹴鞠圖

小景

便面

鄭季明

送江陰周郡博歸平陽

越溪

西湖圖

寄友

吳荃

牢落

憶蓬萊

洞庭秋望

圖書

秋

寄遠謠

墨竹

夜泊

采菱歌

陳元暉

山行

林正

遣興

江邊

寄赤城葉學正

老來

寄裴雲山

謝子通

謝公樓

白溪舟中

昭君

許上之

和戴奎韻

二首

梅珪

用韻呈戴東楚

二首

陳虞之

送別

山水小景

陳麟

歸去來圖

題志岩卷

劉平叟

對奕圖

題梅

廢墓

林景英

廢觀

喜雨和韻

寄草村

言歸

送友之石龍

陳珙

桃花曲

湯元善

草堂四首

林希顏

劍子歌

日出入行

秋風

林氏菴呈周煉師

屏風山

息耕亭

章功懋

寄張芳千戶

東鄭宜中

草堂新成

鄭謚

舟中偶成

牧牛圖二首

魯時中

題陳元暉屏山卷

東甌詩續集卷之五

張天英

白額駒

畫山水歌

桃塢吟

白雲歌

醉時歌

溪山釣雪圖

送張學錄歸柯山

次韻酬章宜竹

松雪上人墨君歌

感寓

病起

送黃仲珍歸松江

送吳錄事之吳

青山白雲圖

和韻代蕩子婦作

松屋

蘭亭

酬峻子山秘監

酬于思容御史

送山東于憲史

黃九高

村居

淨明寺

寓居

鄭氏西莊

冬夜感懷

此字後置
楷下

吳子莊

小景二首

古木修篁

潘文奎

元宵觀燈應制

雪航

雪窩

題趙尚睦墨竹

山水小景

秋月歌

陳仲能

織布謠

釣翁款

陳輔卿

遊雲岩寺

劉現

用韻答潘景昭

江心送別

次兄述懷韻

陳搏小像

小景

東甌詩續集目錄卷之七

張璪

長相思

繆仲琳

客夜

繆仲貞

感興

過草堂寺

鄭冷

餘姚送友還鄉

山中

永康道中
烏夜啼

此卷移梅頌下

陳先和

小景

牧牛圖

林詢

題蘭

夏夜

古詩

徐宗起

釣魚圖

謝皆山

夜泊館頭

黃淮

橫山書屋四首

湖山草堂

題倒枝梅

黃金臺

應制賦果然歌

送符中書還南海

送山東歲布政致仕

竹石

題味菜軒

虹見感而有作

閔雨

題長占烟波圖

四景山水四首

墨菊

林文莊

登慈雲院有感

擬古

潘幾

次竹韻

李德璣

送潘檢討致仕授本郡教授

淵明圖

李德珍

春日偶成

暮春即事

此等題
置高州
詩下

送蘓伯脩參政迂京兆尹

林東愚

秋興

林子森

夜泊偶成

鎮遠道中

東甌詩續集卷之六

李應期

寄趙太虛

淵明圖

寄朱彥明

鑑湖秋色

寫懷

小齋

偶成

寄吳彥升

惜春

僧儂侑

閒居偶成十首

陳彥卿

古節婦吟

輓轆怨

關山月

長夜曲

次王山長赴金陵

次子上感懷

夜集得柯字

章惟初

明遠樓

梅願

秋興

四時詞四首

看山

山葉在移

置黃九名

之下

何汝樵

元旦

王份

山居雜詠二十首

漫成

竹齋圖

送葉山人

次戴文祥歸田韻

山中感懷

寄兄

陳高

坐嘆

避地永嘉

得子

寫懷

征婦怨

商婦怨

白苧詞二首

白頭吟

山中讀書圖

啄木鳥

高明

宿先公房曉起偶成

夏夜簡胡無逸二首

楊季常約遊山不果因以詩寄

三首

題蘭

賦幽慵齋

送張從善

明妃出塞圖

桶底圖歌

題畫

西湖瑤瑤寺有古琴二一名石上枯一名蕤賓錢二首

畫龍

畫虎

題蕭翼賺蘭亭圖

白苧篇送顧仲明

吳中會宋行之貢金壇上寄月彥明者郎

送朱子昭赴部

寄屠彥德并東倪元鎮

世華名鄭浩

劉氏卷雨中作

九日

周詢

題瓜菜

題畫

題菜

題蘭竹

謝知縣廉仁卷

題大年畫

林學正陶峰書屋

海棠黃鳥

經禽齋

牛圖

張師夔木石圖

鮑恒

冬夜客館偶成二首

曹睦

古鼎為胡宗繚題

陳聳

暮春感懷

戴時雨

次韻荅林鎮東

九日

趙詵

應薦不偶途中作

憶東山舊居二首

葉錫

元夕賜宴應制

吳萬里

杯羹嘆

溫老農

吳以耘

有感

春思

葉羲周

月夜泛舟

周旋

送張黃門之南畿

宿紫虛觀

送朱叔寬南旋

方士宜

丹陽會友

劉翼

陶穀小像

薄薄酒

春夕同王文育會陳怡珙宅用韻

章綸

賀石都帥

林補

送陳翰林致政

黃采

題竹送張廷評致政

題黃養正少卿墨竹

用韻答同遊諸友

寄廷瑞員外

挽鮑處士

送羅司務之南京

董璿

宿遷八景

方本易

淇之水二首

荷花水鳥

王賓

過黃陵廟

登小姑

金伯遜

採蓮曲

陳德慶

暮春自遣

陳文

嚴灘遇友對酌

舟次富春懷胡大參

挽崔僉衛

挽江心黼上人

錢塘懷古次韻

劉恒

過飛霞山哭幼子

過大雲寺

陳鐸

錢塘寓館用韻寄趙荊州
清江曲

林天爵

獨步

黃璧

次劉古懷古韻

葉挺

春遊即事

周凱

九山寺

陳純初

題聽松樓

次韻荅芝田董司訓

雨中書懷

東既詩續集卷之八

趙閣

客中暮春

元日淫雨不止

次韻答李弟拙菴

村溪道中

棠溪遇宗弟惟朝

西池睡起偶成

鄭絳

和樊時登舟中韻

題李氏得月樓

挽陳處士

東林寺

送董叔平膺貢之京

任道遜

題山水小景二首

泉川草堂

鮑恩

東山草堂

述懷用劉解元韻

陳大杲

挽雲坡上人

述懷用劉解魁韻

陳大杲

挽雲坡上人

陳宣

多景樓

董衡

題山水

趙狂

夜飲鑑湖書屋

鍾清

遊瑞岩寺

鮑椿

九日和鄭廷韶韻

己酉除夕

立春日感懷

陳斐

秋思四首

閒居二首

夜坐二首

寫景

貧富謠

寫懷

遺安卷

題扇贈趙尚謙

林彥

豐湖會飲分得然字

贈趙東山用朱蕩南韻

竹山以詩慰足疾用韻荅之

黃傑

謝楊艾庵贈茶棗

朱美

蔗湖卽事二首

王由

宿龍泉院

汪喆

三峯道上作

杜整

挽竹軒

黃璩

夏日偶成

淵明圖

東山草堂

青山白雲圖為王魯菴

鮑偉

遊山寺

九日宿丹崖謝鄭尹惠酒

柳楷

搖動石

林亭

秋日客中即事

擬古

小景三首

趙祖冬

謝公亭

寫懷

遊淨社寺

雨窓懷章可象

竹川別墅

章可象

題畫

書白馬寺壁

白塔寺

次謝文卿冬日感懷

題山水

小景二首

東甌詩續集卷之八

目錄終

東甌續集卷之一

陶弘景梁時人

答梁武帝

山中何所有
隴上多白雲
只可自怡悅
不堪持贈君

張子容唐人

送五六歸襄陽

東越相逢地
西亭送別津
風濤看解纜
雲海去愁人
鄉在桃林岬
山連楓樹春
長懷故園意
歸與孟家隣

登孤嶼贈白雲先生

悠悠清江水
水落沙嶼出
回潭石下深
綠藤岬旁密
鮫人潛不見
漁父歌自逸
憶與君別時
泛舟如昨日
夕陽開返照
中坐興非一
南望鹿門山
歸來恨相失



漢宮詞

獨詔胡衣出天花落殿堂他人不敢妬垂淚向君王

長門怨

長門春欲盡明月照花枝買得相如賦君恩不可移

春閨

寒食月明雨落花香滿泥佳人持錦字無鴈寄遼西

歸鶯

海燕頻來去西人獨滯畱天邊又相送腸斷故園秋

夜泊九江

夜泊江門外歡聲月下樓明朝歸去路猶帶洞庭秋

長門賦

長門花泣一枝春爭奈君恩別處新錯把黃金買詞賦相如自是

薄情人

楚懷王

宮花一朶掌中開
緩頰翻為敵國媒
六里青山天下笑
張儀容易去還來

過隆中

玄德蒼皇起卧龍
萬分天下一言中
可憐蜀國關張後
不見商量徐庶功

葉適行誼見前集

十里

烏紗巾上是黃塵
落日荒涼更恐人
竹裡恠禽啼似鬼
道傍枯木拜為神
也知遠役能添老
無那高眠不救貧
此地到城惟十里
明朝難得自由身

此劫師身為詩誤

西山

對面吳橋港西山第一家有林皆橘樹無水不荷花竹下晴垂釣
松間雨試茶回看東掛綵空翠雜朝霞

橘枝詞

蜜滿房中金作皮人家短日掛疎籬判霜剪露裝船去不唱楊枝
唱竹枝

韓應

字孟祈號唐村永嘉人

陳素齋席上

自得滄洲趣門開接釣磯江晴翻夕照嵐潤上秋衣心苦一官冷
吟多萬事違如何明月夜有客扣林扉

李介山席上

野屋與僧隣蕭然隔市塵好山偏入戶幽鳥故依人雨後竹光潤

晴初荷氣新故人同此趣來往日相親

丁氏宅

接竹引山泉葛陽滿石盆
逕深松落子歲久鶴生孫
古壁寒藤上
前人舊墨存平生冥穎興風度有誰尊

許景衡行實見前集

護國寺

小詩聊記鳳山遊
彷彿東林水石幽
已愧高僧與墓刻
更煩諸老數賡酬
簿書底事長遮眼
林壑何曾肯轉頭
會待從公白蓮社
杖藜來往亦風流

題聖壽院

古寺重門裏回廊一逕幽
水聲長帶雨山色寂宜秋
寓宿已多日
題詩更少畱
此生隨利祿行路日悠悠

曉起

清晨澹無言坐對牀上書六經變秦灰至道無魯魚披沙得黃金
入水求明珠振躬發深省悠然契予思

吹臺

聞說吹臺上秋來鎖薜蘿白雲長自在幽逕復誰過
末空愁眼
尊前且浩歌山林與廊廟二者竟如何

過開心寺

杖藜谿谷謾間關到得開心始是閑珍重道人能假榻小軒終日
卧看山

花到禪房幾許深回廊小逕月陰陰杖藜出郭成何事閑得浮生
半日心

許景亮

陶隱居祠

金鑿辭舊直鶴駕脫塵坐真隱雖高世嘉謀亦相君石壇移曉月
丹竈覆寒雲瑟瑟松風在時人自不聞

陳雲龍

偶成

野趣成閒散青山即故知竹生踰砌笋花過隔牆枝晴蝶翻風軟
閑雲出塢遲倚欄無一事俄有客傳詩

王舫字野渡

次黃日巖韻

孤舟閑野渡竹外小橋通不涉終南迥獨高彭澤風雲閑鍾梵裏
月靜咲談中千載雷清節誰云吾道窮

次韻答陳石泉

炎氣漲空碧散作藕花秋幽趣蘭為佩浮生芥作舟可人從遠別
何日許重遊奩玉清無底樓居第幾舟

次愚谷雪韻

梢杜爐頭夜未闌冰壺全覺漏聲乾前山草木疑長白下界樓臺
盡廣寒騷客忽驚梅片落老農先作稻花看何當一奏平淮頌坐
使皇圖九萬安

晚憩石門洞

曦棹石門外天風吹夕陰踈鐘醒客夢危瀑洗塵襟龍去洞雲薄
鶴歸松露深舊碑刊未字猶帶蘚痕侵

春日郊行次平糞韻

楚澤淒涼咲屈原行吟如在浣花川風迴別墅聞梧雨烟冷荒郊
掛紙錢麩麥正香田舍樂菲茶初熟酒家連錦囊收拾歸來晚踏

月閑敲款段鞭

周翼之

西里翁宅

詩人風致別卜築寓烟霞一圃分三逕無時不有花苔痕畱鶴迹
松色在簷牙細酌杜陵下逶迤到日斜

春雨

青陽播物時雲氣暗天涯點滴聽無厭豐登喜有期池幽生活水
花落長空枝載酒行春屐何憂入興遲

昆湖夜歸

渡湖歸古縣一望水程賒月正帆無影風橫浪有花寒更知戍屋
野火識漁家好待春洲暖還來採荻芽

京口江亭

不忍憑闌久，邊愁隨望生。如何萬馬壯，不比一江橫。落日明金嶼，高風撼鐵城。寒濤觸沙渚，天意若難平。

道傍祠

荒祠古道邊，喬木翠森然。疊石為香案，攀藤掛紙錢。一時靈有迹，千載祀猶傳。草草陳牛酒，深期大有年。

初夏

入夏庭中雀可羅，閑僧閑客間相過。鶯聲不得蛙聲接，楊柳池塘寂寞多。

陳謙

華蓋峯

屢隱築東山，林高撼翠寒。雲藏安石館，竹掃葛仙壇。迺遠泉鳴壑，天低月近闌。秋風扶杖屨，澆酒助吾歡。

趙克非字志仁號荷畔老漁又號尋樂翁

秋夜寄李介甫

月生初破睡起坐對蛩聲不入中年境誰知此夜情螢光烟際沒
河影斗間明想爾華峯頂孤吟思倍清

雪

凍雨舞珊珊寒光滅酒顏飛花難辨樹種玉已漫山屋矮看凝塵
門清卧不關曉來還指點一似畫圖間

冷泉亭

飛來峯下立憔悴客中身試掬欄邊水來滿衣上塵松聲八九里
佛地幾千春便擬西湖住看山老釣綸

採薇逕

極目蒼崖路蕭蕭萬木秋天空初有雁水淺不勝舟世界閑人少

文章知己投採薇千古意長嘯碧雲幽

湖頭別景

冒暑緣何事門開一迳遙林焦防鶴病花瘦情童澆生久隣聲絕
吟成野思饒衰年無別好遮莫小山招

除夜

隣家爭守歲靜坐獨忘眠寒漏渝三水春風又一年冰霜詩髮上
兒女酒杯前人事今宵畢看山棹小舡

上塚

步入巾峰去冥濛一迳深重泉千古恨寸草百年心花發空林色
嵐生古壁陰徘徊歸向夜薄露濕衣襟

有懷

幾回拈落葉欲寫不成詩素髮青無日枯林榮有時沈思松下石

照影竹邊池，翻憶雲深處。山寒種木遲。

山中

曉起全無事，推窓瘦竹前。雪晴禽出谷，炊罷竈無烟。斫地尋山藥，過雲問石泉。偶因樵父至，話到爛山仙。

秋夜步登月井

洒空涼雨，豈花明幽趣，相關睡不成。遠浦無風，秋一片，疎林有月。夜三更，燈懸佛地，僧初定。路遠村籬，犬獨鳴。不料隣翁，眠正熟，歸來却訝打門驚。

送黃簿

寒廳幽草上，堦墀有約行。春夢已非峴，水風光吟裡。別秦溪花木，望中稀。孤帆載月，潮初落，一路看山。雪正飛，為報同盟，舊鷗鳥，淡烟衰草，思依依。

竹鞭

十畝亭亭翠拂雲，矮簷數個亦精神。
行鞭莫犯隣家地，寤寐清風能幾人。

書趙荷畔壁

枯松倒影數拳石，疎竹浮香一掬泉。
分付客來輕扣戶，落花深處有幽眠。

秋晚

露滿平蕪月滿塘，水光搖碧夜鳴榔。
垂楊已瘦芙蓉老，秋在蘆汀雁影傍。

古祠

古木荒榛路已迷，陰風吹水子規啼。
行雲行雨無消息，翠斂前峰日又西。

夜歸

古木已朽鴉歸心
逐暮霞雲山千萬
疊燈火兩三家問
路從田叟看潮立
岬沙前宵並店月
依舊照梅花

習靜

習靜一無營林居
絕類僧閑踈秋廢
卷兒病夜雷燈白
髮生應遍黃花採
未能空悲對搖落
幽思入雲層

酬趙葦江

謬道一官長束縛
依然還我自由身
心因愛向江湖樂
眼不禁看富貴塵
寒菊帶香醒酒魄
夜蟾移影照詩神
今宵幸得相逢好
鶯燕那堪又一春

偶成

短褐瘦筇穿迳竹
苔痕滿地青屈曲
翠微山下數間屋
屋頭青烟

午炊熟田翁相對抄白玉見人半笑春嶼嶼世情不用苦勞碌看
來一飽萬事足

金山頭

雲去青山橫舟來白鷗起瀼瀼流泉音不到箏箏耳

林森字尚志號雙嶼

過胡堰

不踏東陽路于今又五年稻穰為屋瓦松葉起炊烟山只平如地
水多高似田農家正收穫插竹掛銀錢

陳淳祖字惟道號卓山

看雲

南山雲欲歸北山雲欲出北山已成雨南山還有日天風忽吹舉
南北山如一白雲本無心不知果何術出者未云得歸者未云失

茫茫古復今世那

重過惠泉

何事笑癡兒看山秋正宜三年三到寺一度一題詩
鳩篆避書壁松欒落硯池夜寒砧杵動歸思髻先知

移居鄭司業舊居

司業閑居處門前烟樹低見山懷舊隱拂壁試新題
燕語花初落蜂衙日自西一年春事畢又見子規啼

征婦吟

虜退沙場洗戰痕誰家不上望夫山江邊迤邐春無賴
楊柳枝垂人未還

陳天祐字

號可竹永嘉人

春夜雨後懷王宰

一窗風雨後燈火弄微明未得畱春句其如此夜情宿花無蝶夢
吠草有蛙聲心上無端事蕭蕭白髮生

梅无春字春史號雷村釣隱

悼馮壽岩

吟魂招不返把酒酬西風萬水千山外百年一夢中苔深漁磧冷
松老鶴巢空回首南安路秋聲咽斷鴻

雪夜書陳素齋詩

天地不知夜皚皚四壁空三登忻有識萬化豈無功小篆冷金鴨
殘缸凍玉虹為憐詩思苦如在灞橋東

夢回

沈沈院落釀春寒銷盡爐烟刻漏殘一枕夢醒風味別海棠和月
在闌干

賀趙荷畔別墅落成

主人元不俗卜築水雲灣地故因剛竹簷虛合受山吟聲來鶴舞
心事付鷗閑城市紛紛客登臨必改顏

趙師秀詳見前集

簡同行翁靈舒

久晴灘磧衆舟楫後先行終日不相見與君如各程水禽多雪色
野笛作秋聲若有新成句溪流合讓清

薛師石永廬

不作封侯念悠然遠世紛惟應種瓜日猶被讀書分野水多於地
春山半是雲吾生嫌已老學圃不如君

一真姑

忽然能不食飲水度中年此事知難偽令人信有仙形容無血色

衣袂有香烟聽說瑤池路分明在目前

岩居僧

開扉坐石層終日少人登一鳥過寒木幾花搖翠藤茗煎冰下水
香炷佛前燈吾亦逃名者何因似此僧

秋夜偶成

此生謾與蠹魚同白髮難收紙上功輔嗣易行非漢學玄暉詩變
有唐風夜長燈燼挑頻落秋老蛩聲聽不窮多少故人天祿貴肯
將寂寞嘆揚雄

孤山寒食

三月芳菲在水邊旅人消困亦隨緣晴舒蝶羽初勻粉雨壓楊花
未放綿有句自題閑處壁無錢難買貴家舡最憐隱者高眠地時
有山禽當管絃

夜宿江浦聞元八改官寄此

君遊丹陛已三遷我泛滄浪亦二年
劍佩曉趨雙鳳闕烟波夜宿一漁船
交親盡在青雲上鄉曲都拋白日邊
若報生涯應笑殺結茆栽芋種畬田

贈寫竹上人歸湘

白髮半頭寒未剃形容消瘦異尋常
為人作畫衣墨對客圍棋
爪獨長不染世塵如蕪蕪只留胸次
看瀟湘住山亦自年來懶竹
閣門前借一房

潤波山作

一山大半皆櫛葉絕頂閑尋得徑微
無日設勞携紙扇有風偏怯
去綿衣野花可愛移難活啼鳥多情
望即飛惟與寺僧居漸熟蒼
茶深院待人歸

呈友人

中夜清寒入綰袍一杯山茗當香醪
禽翻竹葉霜初下人立梅花月正高
無欲自然心似水有營何止事如毛
春來擬約脩閑伴重上天台看海濤

池上

朝來行樂向秋池池上秋深病不知
一樹木犀供夜雨清香移在菊花枝

秋日遊栖霞菴

乘興入孤村神凝秋水間菊開嫌徑小
荷盡覺池寬林影懸崖屋鐘聲何處山
清遊殊未倦初月照松關

翁卷

夢回

一枕莊生夢歸來日未衙
自煎沙井水設煮癡僧茶
宿雨消花氣驚雷長荻芽
故山滄海角遙念在春華

泊舟龍游

未得橋開鎖去船難自由
渚禽飛入竹山葉下隨流
忽見秋風喜還成早歲愁
卧聞篙子說明日到衢州

閩中秋思

客愁無定跡幾處冒風埃
逢得鄉人便憑將信息回
海烟蠻樹濕秋雨瘴花開
舊日越王國于今特再來

石門卷

山到極深處石門為洞名
嵐蒸空僻壞雪映小齋清
果落群猿拾林昏一虎行
山僧果何事高坐若無情

同徐道輝趙紫芝泛湖

相見即相親吟中得幾人扁舟當夏日勝賞共閑身山雨曾添碧
湖風不動塵晚來漁唱起處處藕花新

周氏東山堂

城隅古謝村博士草堂存惟見烟霞起全無市井喧鶴來巢木杪
龜出戲蒲根消得吟詩客凭闌看幾番

贈滕處士

識君戎馬際今又十年餘淮海纔安息先生便隱居清風三畝宅
白日一牀書長把閑門閉隣僧亦不如

贈李丹士

行遍東南地曾看江水源袖藏句漏藥身是老君孫去住雲相似
枯榮事不論九華峰最碧相對舊柴門

不食姑

六日在馬覽亭
月海潮水往來何不閑
烟多正郭積雲發
舟行海外僧廊鳥樹閒
寒難獨立冷竟小詩遠
在詩深掩寫補入
偶題前

嫁時衣尚著，忽自欲尋仙。終日常持呪，經年只飲泉。瘦形非是病，恠語却如顛。金母如知爾，招邀入洞天。

周道士自足軒

貪得無厭者，應難向此居。爐中姹女藥，案上老君書。花竹庭階潔，風烟戶牖虛。道人隨分外，安坐不求餘。

偶題

綠樹何稠，漫清風稍羨。餘枕紫雲片，片簾透雨疎。踈踈備窺通泉壑，殘碑出野鋤。丘陵知幾變，耕稼雜陶漁。

徐道暉行誼見前集

題翁卷山居

空山無一人，君此寄閑身。水上禽來遠，風前樹動頻。蟲行粘壁字，茶煮落巢薪。若有高人至，何妨不裹巾。

山中

世事已無營，翛然物外形。
野蔬僧飯潔，山葛道衣輕。
掃葉燒茶鼎，標題記藥瓶。
敲門有賓客，稚子會相迎。

送翁卷至邊

孤劍色磨青，深謀閃鬼靈。
離山春值雪，憂國夜觀星。
奏凱邊人說，翻營戰地腥。
他時歸棹下，何石可書名。

永州寄翁卷

古郡百蠻邊，蒼梧九點烟。
去家疑萬里，歸計在明年。
風順眠聽角，樓高坐見船。
筠州當半道，長得寄詩篇。

和翁靈舒冬日書事

秀句出寒餓，從人笑我清。
步溪波逐影，吟竹鳥磨聲。
酒裏安天命，春邊見物情。
畊桑都不事，何處可營生。

楊柳

嫩葉因風不自持，淺黃微綠映清池。
玉人未識分離苦，折向堂前學畫眉。

徐靈淵

夏日懷友

流水階除靜，孤眠得自由。
日低林欲晚，雨過夜如秋。
遠憶荷花浦，誰憐杜若洲。
良宵恐無夢，有夢即同遊。

夏日遊謝公岩

欲取紗衣換，天時起細風。
清陰花落後，長日鳥聲中。
水國乘舟樂，岩扉有路通。
州民多到此，猶自憶髯公。

夏日湖上訪隱士

酷暑何能避，孤舟訪隱人。
水鄉菱藕熟，洲渚稻粱新。
力學師前輩

談空悟夙心鏡湖三萬頃不似此湖濱

登橫碧軒繼趙昌父作

步步高高寺徐行不用扶天青晴復雨山色有還無句向閑中得
茶因酒後呼斯懷論未足何遽問征途

登薛象先新樓

矮簷風雨送蝸牛有客來誇百尺樓閣郡池臺皆下瞰背城湖海
亦全收清時未放徒高卧半世胡為故倦遊解盡橐金君計決月
明長笛起漁舟

東甌續集卷之二

趙希迈號西里詳見前集

琴川精舍寄城中友人

客來僧已去古屋靜蕭蕭
鼓石引松火對花懸酒瓢
肉桂寒背日柱礎潤通潮
君肯過幽寂水程纔隔宵

吳中中秋懷瓜廬諸友

涼分一半秋此夜客吳州
無侶共明月喚僧同倚樓
天虛雲氣盡風靜桂香浮
遙憶前年醉狂吟滄海頭

真娘墓

松林際晚鶴飛回一片荒碑
卧草萊顏色不隨塵土化
澗邊猶有野棠開

題岳侯金倪編呈岳總卿

幾年教得背冤兵塞不生塵海不驚詔下豈知身是死廟存惟覺
貌如生向陽直木無偏影落澗清泉肯斷聲何恠玉闕曾戰者曉
驅黃犢伴春畊

小泊毗陵西郊卽事

腦盡容蕭蕭繫船當遠郊凍苔龜曝日古樹鵲營巢野老掃寒屋
騷人寄午庖不知何所見能索近詩抄

雨霽行春

山儒來試吏官事自應生直每於時背貧難與命爭近郊初雨歇
瘦馬獨春行先是吟情苦柳邊聞早鶯

廢院

陰陰松遶日痕青數石崢嶸似獸形苔長斷碑文字沒鴉巢古塔
相輪腥泉甘野客來煎茗歲損隣僧為晒經一法本無興廢理解

稍

分明滅是秋螢

新夏

四月寒猶在日高常掩扉縱收風外絮難暖客中衣新竹笋多瘦
殘稍花最肥有情雙燕子能認舊巢歸

小桃源

亂崖懸恠木地勝絕纖塵曾有昇仙者豈無避世人湍流因過雨
啼鳥但如春誰種桃千樹荒碑記不真

老叟

鬢髮如霜心未灰尚營活計待將來嶺頭盡日敲松子猶向山園
空處栽

書山人居

溪叟山居不計年半欵茅屋倚雲邊竹溝旋引高源水灌得門前

數畝田

宿溪村書齋

故人能下榻為喜客相過不住夜泉滴常疑春雨多風來琴自響
水合硯難磨明日還分袂竊吟誰共哦

山寺看桃

無數桃花傍水栽水邊新架佛亭臺不因橋畔僧相接只道玄都
觀裏來

南臺徐靈照徐靈因皆有作

山峭石臺平天低可摘星岸回分水勢城缺見州形曉樹來孤鶴
春吟憶二靈客行貪訪古柳下一舟停

亦文齋竹

踈竹墻邊笋漸添况逢數日雨慮纖粉稍一夜拋寒籜便有清陰

拂短簷

險逕

逕由樵牧躋板處險亥蓋與步步連村犬吠人聲應谷野鶯穿樹
影侵池閑尋竹底眠雲石題得山中避暑詩時有嫩涼生葛袖秋
風兩日似相期

晚立池上

身與沙鷗一樣閑每來池上獨凭欄藥苗得雨侵苔綠楮實逢秋
似荔丹酒欠好懷狂飲少詩因多病苦思難虛廊日晚人稀到風
約蜻蜓泊釣竿

雪夜吟竹屋因約友人明日登楚臺

只許吟蹤向此來逕無吟屐損蒼苔雪明霜樹清於月人滌茶甌
瘦似梅古瓦旋磨成硯璞腐桐新琢作琴材晚晴不管寒侵骨似

看湘山上楚臺

慧力寺

出郭無多路，縈迴入翠微。
水邊寒艇泊，松下老僧歸。
藏古神抄供，亭幽客掩扉。
自來還自詠，不覺到斜暉。

贈沈兢

僦居初不惡，門巷接溪灣。
有譜曾評菊，無錢可買山。
吟驅生計拙，愁積鬢毛斑。
遠示諸名作，閑題駟寄還。

黃姚灘

數客同吟棹，羈懷得少寬。
山晴平眺遠，灘溢泝流難。
飢鶴窺茶鼎，游魚識釣竿。
向南風土別，歲晚未全寒。

瀟湘寺

古刹枕瀟湘，閑吟步野廊。
蘚封崖石老，松落井泉香。
採蜜蜂歸晚

延齋雀亦忙主僧同里社十歲已離鄉

汀畔

野梅汀畔客帆過歲晚天南氣候和江合湘灘流水急山藏洞壑
吐雲多村家釀酒連醅濁小吏抄詩覺字訛幾點白鷗清似畫對
人飛下泊寒莎

偶得

村邑蕭條廨屋低菲墻缺處補荆籬市添人語當墟日田捲車筒
浸種時公事偶無封印早小胥習懶赴衙遲閑行摸索街頭石尋
得前朝一片碑

涌金湯

官與民間一樣貧空流江水淨如銀誰將山裏閑田地喚作黃金
談世人

落照

漁翁短髻然成縷，世代生涯惟網罟。得魚賣了塵事無，輕舸泊在菱花浦。鷓鴣晒翼當斜陽，酒酣濯足歌滄浪。三閭大夫渺無迹，離騷千古汀蘭香。

五斗

五斗驅將五嶺朱，蕭蕭老屋枕岩隈。風高松子和釵落地，暖梅花帶葉開。短髻吟邊從似雪，壯心客裏漸成灰。官身縱使多塵事，亦許偷閑踏選苔。

歲杪

歲杪携家客桂林，鄉山萬里楚雲深。甕畱臘水供春釀，梅着寒花伴晚吟。自笑老來貧不減，誰憐髻底雪相侵。俸錢用處清無敵，半打崖碑半買琴。

携家

携家經月尚羈程隨處風光似有情一石峭從平地起數禽飛入
半天鳴春生草樹洲添綠船載詩人水倍清晚泊別無消遣處自
沽村酒對花傾

次昭城

郡小人烟密來遊契所聞城因山勢築江向廟頭分凍葦聲如雨
春泉氣似雲梅公堂上酒客裏易成醺

到貴州

涉歷長亭復短亭魚舟方抵貴州城江從白鷺飛邊轉雲在青山
缺處生家務每因官事廢詩篇多向客途成畊桑儘自無榮辱却
悔當年事短檠

夜分

夜分天籟寂誰與共襟期童子醉眠處老夫吟苦時雲莊蒼蘚石
月掛老松枝一鶴來何處相從立水涯

深村

道傍無驛舍投宿向深村閑喚隣翁語儵然古意存半籬花隔水
數畝竹當門傳說崗頭樹時雷虎爪痕

偶得

舊日看山古渡頭村深無馬但騎牛如今身被微官縛欲要騎牛
不自由

漁人

閑利閑名總不知生涯付與一輪絲四時風月俱還我萬頃烟波
說向誰審後短棹和笠晒醉來長笛倚篷吹此懷惟有詩人識除
却詩人只楚詞

萬頃田

萬頃平田一望中，獨乘瘦馬當吟筇。
天連濁霧無非海，地少嚴寒不類冬。
刺竹滿林生似蝟，古榕臨水卧如龍。
村家米賤新醅熟，猶及停鞭問老農。

鷺

數間吟屋就謝爾，肯相依巢穩迎人語。
身輕掠水飛漂流，皆是客來去。
兩忘機，何事拋珠箔，欣然戀竹扉。

蛙

閑池草色青科斗，自滋生尚覺窺天小。
何因妬月明通宵，成樂部過雨雜黍聲。
靜者心無役，從君取意鳴。

楊妃井

妃子當年井尚存，誰教石塔向雲根。
春泉不洗開元恨，空與黔兒

洗字恨

王生山水歌

范寬山頭李叢樹百年二老皆仙去如今天素畱人間縱有千金
無博處後人筆底工一家聲價隨可喧中華王君二妙聚一手參
以吟思遊天涯萬里江山幾數幅東抹西塗意先足蒼梢癩石相
參差風雨烟雲在羈束近時目覿反真畫圖重舊不重新名家翰
墨未必貴塵清贖本翻為真君提健筆來梅外山若玉簪江若帶
朝昏變態焉可窮筆未鋪張心已會嶺南遊者多詩人見君作畫
應憐君求我新詩寫君畫終使李范聲名分

秋風

縱使秋風滿道間炎州且任客衣單馬行岐嶺如雲度鷺立枯槎
似畫看問盡地名猶跋涉忽收家信喜平安渡頭沽得茱萸酒儘

可吟邊作醉顏

王川煮茗圖

一卷殘書自課兒，軟斜菲屋任風吹。
階頭石鼎煎茶熟，還味當時月蝕詩。

夜雨

頑雲山頭撥不開，雨聲半夜山邊來。
短篷聽雨斷鄉夢，古城寒點風吹回。
湘口驚猿啼不住，知得羈人繫舡處。
明朝定是江水肥，雙鷺侵晨放流去。

西風

西風溪上雨初收，數葉新紅點樹頭。
白鷺作成秋景致，背人飛過蓼花洲。

路轉

折
路轉楓林積葉深秋塘漲水綠沈沈沙鷗却似曾相識獨立莎汀
伴醉吟

仰收 永嘉人事母至孝卒贈將仕郎

南湖

酒旗翻野色漁棹弄秋光百里荷花境曾圖入帝鄉

趙崇滋 疏竹所永嘉人

求酒趙評事

半老情懷睡不能小簷霜月當寒燈無人來問相如渴敲碎梅花
一夜冰

宋慶之 疏飲水詳見前集

廢墓

山水不改色殘碑空蘚衣多年翁仲在寒食子孫稀魑鬼時憑樹

虞人夜伏機悲涼眼前事火葬未全非

然上人還松臺山

白頭空俯仰自覺住山非舊業雙松在初秋一錫歸從人借茶具
就日補寒衣不見新詩久朝來叩我扉

姜元鼎平陽人嘉定庚辰進士

官至錄參

自石湖至苕溪

細草穿沙雪半消吳宮烟冷水迢迢梅花竹裏無人見一夜吹香
過石橋

湖上

花牆曲曲柳冥冥人靜山空見一燈荷葉似雲香不斷小船搖曳
入西陵

潘希白行實見前集

積露

積露收殘雨，千峯在小樓。忽然空遠思，野服上漁舟。

題雲山圖

谷口無人烟，樹迷雨添新。瀑下前溪思，家只作歸程。看疑有春深，
杜宇啼。

無名氏 永嘉丁么人

題景星壁

陌上春風破酒顏，馬頭珠絡響珊珊。歸來院落已深夜，滿地月明
花影寒。

許及之

永嘉人，字深甫，登隆興癸未第，官至樞密院叅知政事。有北征紀行詩集行世。

滌婆子

一冬專寵道人房，不藉華清賜浴湯。皓腹却無璋瓦分，矮身難稱

綺羅粧春生蝴蝶半床夢暖逼梅花一帳香醉倚肉屏君莫羨北
邱多少黑頭郎

廢塚

石人猶自立蒿萊拂讀殘碑字字哀鄰塚已澆寒食酒野風分送
紙錢來

薛肩夔號山雲永嘉人

過朱氏居

地僻少車馬南山對草廬雨來雲滿案瓶漏水侵書老樹無全葉
清池不養魚吟邊猶學圃日涉趣何如

送人入京

舊游頻入夢客路復如何春晚衣衫薄花時風雨多停舟看瀑布
因釣憶漁蓑遙想冷泉上携琴誰共過

徐似孫號肖梅平陽人官至安撫

白石巖

白石蛭如散玄壇虎守關日邊暉是海雲下欲無山星斗明孤劍
獼猴識大還李君仙去後苔鎖藥壺閑

宿山寺

亂峰藏壞塔曲迳入深林四境塵囂寂一燈松竹深鶴寒棲樹頂
雲靜宿蛭陰偶此來分榻流泉雜梵音

即事

溪東棠梨秋正好溪西柿子都紅了慙愧猿猴不見來依然日日
供山鳥

林一龍行實見前集

山中聽風

空山號朔風煙火深夜寒門掩忽自開剗然動雙鏤倚岨數竿竹
憂擊摧琅玕落葉捲地起高枝如人攀謾謾聽已遠復在窓戶間
白沙至芳林嶺

海風吹島岫蕩路獨行初山險遊程緩天寒雨點踈莽田流水外
高樹夕陽餘忽見題詩壁人言賈氏居

次韻飲水登萬象亭之什

黯淡是州城川原一望平天高衆峰道人立片雲生拂石同僧坐
移筇避蟻行岩阿有泉眼不改舊時清

夜坐吟

山寒雨點半成雪石冷泉流旋作冰坐至夜分眠不得燮然欲滅
案頭燈

十四夜觀月張氏樓

只隔中秋一夕閒
蟾光應未少
清寒時人不會
盈虛意不到
團圓不肯看

西省醑醑架上殘
雪可愛
戲呈諸友

醑醑花底當年事
夜雪模糊照石闌
北省今朝枝上雪
還指病眼作花看

趙崇滋

永嘉人
登嘉定癸未進士

過楊子橋

一抹輕烟隔小橋
新篁褪箬兩三梢
惜春不覺歸來晚
花壓重門帶月敲

宋眉年

號蜀翁
永嘉人

山步

未必清秋趣能如
幽意長孤雲出野水
寒鳥戀殘陽
蛩谷有空響

野花無定香
山翁忘世事
不改舊冠裳

僧覺新

訪道士不值

猿掛垂藤鶴唳松
松間不見採芝翁
風開案上黃庭卷
疑是朝來讀未終

僧法照

表忠觀

錢王古廟鎖莓苔
華表秋深鶴不來
昨夜石壇風露重
凌霄花落鳳僊開

楊氏婦永嘉人

送夫從軍

海壇門外浪滔天
妾上城樓君上船
回首八楓丹
卷底梅花霜月

夜如年

馮成字照績官至太師中書令魯國勤威公扈駕未溫居夾嶼

至永嘉偶成

扈蹕東來到永嘉南燕萬里盡平沙粉身碎骨死無恨願拓中原
報國家

陳寶之名瓊號斡軒永嘉人登紹興第授大理寺丞

寄陳同甫

面隔心無隔溪頭話別情一春行李客幾度杜鵑聲槐市風傳遠
蓮窻月正明五更如有夢必在小橋橫

斡軒

謝公樓上風流客紫髯蕭疎雙鬢白胸中有氣吐虹霓牀頭無金
失顏色問君借取騎鶴錢更欲吸盡長鯨川出門雙屣破寒碧去

學五湖風月仙

自述

少年落魄走京華，老大無錢赴酒家。
羞作寺丞門裏客，一川明月照梅花。

漫興

二十年前學採樵，採樵只採嫩枝條。
何如斫倒大松樹，勾得三年兩載燒。

寄陳同甫

九轉神丸煉已成，十年鉄嶺共知名。
太平自有龍門策，定向孫吳術外行。

潘遜字伯言號草窓永嘉人

送人歸姑蘇

山驛歲云暮梅邊忽送君嚴寒一騎遠殘角五更聞鄉夢虎丘月
詩情雁蕩雲何時重會面樽酒共論文

懷曹丹丘

別來春樹綠凝望獨關情陶令重歸社龐公不入城井寒井氣在
洞窈石雲生何日平湖上白鷗尋舊盟

元夜

金吾猶有禁江國正蕭然燈火自元夜情懷非昔年小樓歌欲斷
古戍月初圓休問傳柑事牽愁到酒邊

種藥

與世忘機久相親祇白鷗所居環一水為客又三秋籬老黃花瘦
江寒紅葉流數聲悲靜夜雁度驛邊樓

春日郊行

晴空半出碧雲岑，載酒花邊傍夕陰。
楊柳未鶯春尚淺，菰蒲有鷺水初深。
擬窮異景思移棹，為寫閑情欲寄琴。
自笑不知農圃事，浮生贏得二毛侵。

翁秀峰新居

小小柴門短短籬，故人受用儘相宜。
關情巷陌多新景，遠舍江山似舊時。
竹叢踈連籜，洗庭梅樹老帶花。
移春風燕子來相賀，對語高梁若故知。

水漲

溪深白鳥飛，柳濕玄蟬語。
水漲失漁磯，持竿且歸去。

采石

一望澄江接漢源，柳青蘋綠幾黃昏。
舟人指點波心月，莫是當年逐客魂。

楊妃圖

芙蓉帳暖日華高
雲鬢微偏酒未消
曉起一團紅玉軟
三郎錯認海棠嬌

沈準維舟

野樹春深紅照水
新秧雨後綠勻田
斷烟隔岸梧桐角
人立東風待渡船

白溪舟中

風約殘雲暖未晴
崇明厭聽打蓬聲
白頭野老磯頭坐
釣得溪魚不識名

道中

蹇驢溪上鬢垂垂
雪壓危橋映竹扉
二十四峰渾似畫
梅邊自棹小舟歸

吳端字子方號湖山燕隱永嘉人

山居漫興

莫笑山莊小偏於隱者宜門當八字路園葺五經籬地暖花開早
天寒酒熟遲不須鷄報曉已得數聯詩

草堂

草堂長寂寂無事且徘徊幽鳥啼青嶂閑雲覆綠苔古琴邀月聽
新酒對花開俗駕何為者移文招不來

春懷

柳陰滿地水平池門掩青春刻漏遲蝶夢任渠分爾汝蛙聲誰復
計公私劉伶混世酒一石梁叔遜名歌五噫午睡覺來風動竹自
收隔夜着殘棋

徐儼夫公望淳祐辛丑狀元官至禮部侍郎

賀黃見山應薦

莫道功名負見山，老天須向定中看。但教有子能登第，遠勝先生自得官。秋日幾人誇鶚薦，春風容我共鵬搏。卜隣自有東君約，一笑樽前萬慮寬。

直釣和韻

一曲湖邊一釣磯，桃花風定柳綿飛。漁人豈識濠梁趣，只解沙頭盡醉歸。

春晚

門掩深春過客稀，綠陰時復數紅飛。疎簾半捲茶蘼雨，小立黃昏待燕歸。

東甌續集卷之三

趙處澹字

號南村官至知錄

擬古四首

青青河畔草皎皎林下人
草有四時色人無千載身
胡為蹈氛埃樊籠長苦辛
君看鴻雁飛九萬誰能馴

又

西埴有高楼樓高夜何其
圓影湛以光遙望斗與箕
何為天一方長恨身不飛
安得駕雙翼上下長相隨

又

涉江采芙蓉皎皎外名利
采之遺所思共此無塵慮
所思在芝田道遠莫之致
悠然對芳草綠滿江南地

又

今日宴良會微風動波心逸響悲秦箏仁聲和舜琴古人為此曲
寓意良以深何當共歡樂長嘯溪之陰

九日會飲翠麓

山亭對佳客秋老暮烟橫鳥下江如畫潮回浪有聲竹光添麓潤
詩思入門清偶約非因酒相逢話此生

村居

乍晴山染碧過雨落疎花水濶暮天迥村居春晝佳倚欄時展畫
畱客旋烹茶購得閑中趣吟詩到日斜

丁山眺望

絕頂蒼厓險藤蘿手自攀雲烟萬里迥宇宙一身閑秋氣悲才子
夕陽明遠山看看九日至黃菊翠岩間

山行和韻

歷窮山底路，渾不見人家。
傍石尋丹鼎，隨雲到玉華。
蝶幽停蕙蕊，鹿飽卧苔花。
中有胡麻飯，香泉浸碧沙。

八月十四夜

洲渚雲飛盡，江流碧映天。
明朝秋欲半，今夜月先圓。
玉宇濃垂露，銀河冷墜烟。
焦桐彈一曲，孤鶴舞風前。

雨邊

溪雲依翠竹，亂石注流泉。
數日饒春雨，餘寒勝臘天。
書從琴案讀，茶共藥爐煎。
故舊經過少，題詩一二篇。

冬至日書懷

歲月不可挽，迅如雙轉轂。
人生能幾何，苦不自知足。
西風吹繁霜，東鴈鳴相逐。
老幹枯無條，積葉掄深谷。
冉冉四敘遠，忽見一陽復。
今年纔四十，玄鬢忽已禿。
久作林下想，雅志在幽獨。
三迳幾株松。

一自數竿竹任懶鉏荒園更種淵明菊逍遙以終年澹然忘所欲
追和陶淵明咏貧士

嗟予薄雁禍予子將疇衣晨炊井已凍夜鑿隣無輝蒼苔烏跡絕
卧看浮雲飛老力出市米溪寒莫忘歸織織山雨微何以充我飢
習習風吹衣何以慰我思

偶成

風約波痕遠雲含野色低村春向晚急山鳥愛情啼牧笛過蘋渚
溪船泊柳堤旅魂招未得箇草更萋萋

長門怨

未央宮中花滿枝笙歌不斷春風詞玉階露冷與天近霓裳舞罷
瓊瑤卮如今寂寂長門雲寒風蕭蕭愁殺人花開花落淚如洗轉
眼身為陌上塵自笑夜來清夢斷猶覺瑤池侍君宴

追擬玄真子漁歌

丁山煙雨晚濛濛
柳岫蒼波著短篷
飛鳥白斷雲紅
一曲清歌淡月中
雨晴山色靜
堆藍橋外人
家分兩三綠
岫址遠溪南
片片閑雲趁落帆

春日卧病

江雨日霏霏
春寒易入衣
貧居兼卧病
愁緒對殘暉
有句平生拙
無營世慮稀
梅花欺老眼
故傍短簷飛

濯纓亭

兩派清溪合
迴波到此間
危峰銜古石
幽洞隔塵寰
雲影高低樹
嵐光遠近山
先賢遺跡在
盍挽舊風還

借榻

簾捲熏風透萬裳
月移花影上回廊
客遊不作安居計
謾借高齋一榻涼

月夜

漁笛吹清夜
蘆花深處聞
所窮天拍水
山靜月籠雲
蛩哽聲聲切
螢明箇箇分
任渠塵外事
城市日紛紛

偶成用溪陰韻

虛室蕭蕭百慮忘
近來趣味一何長
清談自笑如東晉
好句誰能學盛唐
舊日故園秋寂寞
三年上國夢淒涼
功名元在青編裏
况有青氈在玉堂

寄友

誰謂相去遠
盈盈一水間
欲渡無津梁
中情何由殫
秋懷多感慨
撫衿起長歎
巖風墮朝露
輕雲冒遙山
羣芳盡搖落
孰與堅歲寒

和韻

愛看山色遍小立渡頭風飛鷺起沙渚何人移短篷村烟秋入夜
江月冷搖空回首清香滿方知是桂叢

厭雨

擬欲占晴待暮鴉不禁愁思滿蕪葭片雲飛渡風和雨斜日低穿
水浸沙蘆菼石邊收釣笠芙蓉籬外響蘆笳最憐冉冉秋將半未
得先乘問月槎

清明雨中

竹遠清渠長嫩蒲數聲村角晚吹梧山家最怕清明雨打落殘花
一片無

題周恭叔謝池讀書處

粉蝶黃蜂二月天初晴已覺十分妍市橋船繫垂垂柳花寺鐘敲

淡淡烟幽趣靜看青鳥啄閑情獨羨白鷗眠謝家風月令何許
拖入池塘夢理篇

趙茗與

寄高善勝

雨窓思昔日不見半年餘別後幾回夢中間三寄書兵及吾幸免
踪跡爾何如世事難如意同心却異居

野望

西風吹恨急豪傑高情談土地全歸社干戈未息南草深尤有鬼
桑盡却無蠶空抱干時榮未能陳二三

清發軒

許多清意思都在此軒間有石半沈水無窓不面山侵衣青霽潤
擁釣白雲閑未許嫌幽寂古人曾閉關

有所思

浙浙寒城一笛秋天風吹透青貂裘魚素不來雁無足黃葉搖碎
遊客愁倚劍悲歌還起舞江漢迢迢渺如許彼美人今天一方獨
抱琵琶憶秋雨

五日

橋前波色如按藍白鷗近晚飛二三長蒲短蓊青護岬漁歌互答
薰風南一竿兩竿釣絲竹近山遠山簷外綠楚騷讀罷為招魂懸
鼓聲中烟雨縮

送安國北歸

上將威名曾振世聞關出戍更長歌金戈氣壓邊塵少玉節先隨
春思多萬里呼鷹新號令一聲鳴鳩舊山河北歸若有人相問休
說投南事若何

在所嘆次韻

事已如斯可奈何
君王不敢愛山河
獨松嶺上天興敗
漁浦江頭客涕歌
百衣冠春夢短
一朝禾黍夕陽多
無情猶有西湖路
隱約梅花照釣蓑

饑秋客

陰風捲地鳴休雷
中原萬里草木秋
酒酣耳熱客長嘯
月寒披起鷓鴣裘
袖中雄劍頗解悟
鐵腳功名在何處
秦淮無恙隴蜀寒
明朝瘦馬銅駝路

營盤

又隨關牒去
瑤貝起營盤
畢竟為人役
休言作縣尊
此身原是幻
凡事且隨緣
今夜宿何處
月明溪外村

菊渚以事棄官

萬里徐行蜀道危，戰塵猶自染春衣。
是非不在多開口，出處要當先識機。
數畝鉏烟分菊圃，一絲釣雪立苔磯。
巴歌聲斷離觴歇，清夜相思魂欲飛。

述懷

得鹿歸來一夢中，半生事業揔成空。
飯牛豈意千西伯，尋馬何須訪北翁。
趙既有辭難奪璧，楚將無事嘆亡弓。
南薰正解吾民愠，且弄朱絲奏晚風。

杏村聞其友謝昌元及二趙一家俱入翰苑

歸來白鹿岩邊屋，清得門庭冷似冰。
公事中原雙短鬢，帝鄉孤夢一清燈。
帶煙鉏菊閑教僕，和月折梅時寄僧。
見說道山應咫尺，同時俊彥盡先登。

休官

欲知趙子休官了，負似扶風馬。少游借得琴樽，畱待月從教、簾幙不勝秋。自攜篋出關尋藥，因載書多却買舟。昨日老農來告我，萬千樂事在西疇。

眉峰水陸寺

貪觀眉樞翠巖，掉碧雲間蕭寺。前臨水丁家舊住山，苔深僧跡靜。松冷鶴巢，鰲拜手先祠下，奔馳覺汗顏。

趙肅遠茗嶼子

赤松觀

入門蒼翠合地，暖不知冬。羊化屋頭石鶴歸山外，松溪清雲影動。碑老蘚痕封，帝者師何在。清遊未許從。

雙溪寺用張令韻

重來尋野興，淡月半松林。一寺儼如昨，雙溪清到今。亂餘僧改觀。

秋老客驚心自覺身如寄山林滋味深

多景樓

露滴甘泉事已休欲窮多景謾登樓雲收壯固千帆兩雁帶南淮
萬里秋夜色和愁迷古渡天風吹恨到神州青山尚在英雄老休
說興亡憶舊遊

岳王墳

來吊英雄骨尚香一抔黃壤當封疆自從駐驛來吳會誰更提兵
入洛陽殘閣有燈秋樹暗隧碑無字雨苔荒寒鴉不識當時事猶
戀樓霞噪曉霜

楊妃菊

元是馬嵬山下魄脫胎今復對西風當時若使明皇見又自東籬
召入宮

孤嶼

惆悵通仙去不還
歲平心事已闌珊
古梅幾樹雪藏屋
歸鶴數聲雲滿山
封禪何如詩句好
江湖只有釣舟閑
早知今日京城近
應不謀屋向浙間

中秋西橋飲酒和盧申之韻

翠蘋風起落殘虹
秋月正圓秋氣中
但恠肩吾輪桂長未容
文舉酒樽空
帆歸南浦湖回北
人散西橋斗轉東
烏鵲高飛雙遠目
誤疑天際有來鴻

冬夜偕徐敬室自白石歸

落葉溪邊卸小舸
似遊赤壁步臨臯
溪聲忽靜霜將下山
意生寒月正高舉
世夢酣莊氏蝶
此時身在屈平騷
梅花雅有幽蘭舊
特地吹香滿客袍

蔡

蔡槃號蓮菴永嘉人

遊古寺

山烟寒日暝
鵲殿與雲齊
松鼠下階走
竹維當戶啼
碑荒文字古
僧老語音低
欲住應無計
斜陽照杖藜

竹

每愛幽自下
烟叢雨露枝
纔聞風起處
便似雨來時
節直將誰比
心虛只自知
青青長在眼
休說化龍遲

寄北礪

擬定書中字
山中欲問誰
一從分手後
盡是斷腸時
燒葉紅
血殘冷
挑蔬備夕飢
相思不但此
明月夢魂隨

雷別

欲去休云易
相思恐弗禁
一牀秋雨夢
千里暮雲心
每自悲行役

知誰識老吟西風聞過雁記取問佳音

山城即事

獨上山樓上樓高望盡天更無雲一點只有月孤圓樹老飄黃葉
湖空起白烟故園音信斷愁絕不成眠

雪中懷祝聲之

逢人長自說家遠欲歸難身暫依蓮社心猶在杏壇攤書燈下讀
磨劍月中看近日無消息相思雨雪寒

寄何尉

向晚出林麓思君隔浪灣因看雲過嶺不覺日沉山犬吠疎籬下
牛歸古道間一聲何處笛吹月上松關

客中

舉酒吟詩易貧居作客難一番思世事半日倚闌干霜重竹籬薄

風高石逕寒無言
搔短髮望眼到長安

病中

遠舍東風急柴門靜掩時
交情貧裏見藥性病中知
秋聲黃葉裡天影白鷗間
欲問錢塘路漁家未啓關

瓜州

烟際繫孤舟蘆花兩岸秋
江空雙鴈落天迥一星流
急鼓西津渡殘燈北固樓
高人茅店下沽酒話揚州

金陵

六代帝王州寒烟滿石頭
星河天北轉江漢水東流
步絕金蓮雨歌殘玉樹秋
白頭有漁父尤說景陽樓

贈江湖隱者

湖上人家住最幽
簷牙倒影落滄洲
詩成梅塢三更月
酒醒蓬窓

午夜秋移石為添曉藥竈賣金因起讀書樓經年不入城闌去長
倚闌看白鷗

春思

自覺無春思春長在眼前天晴梅墮雪地暖草生烟獨步迷山影
空腸飽澗泉鄉心徒耿耿為客又經年

冬夕寄友

壁燈花落夜將殘天遠那知客思單鶴帳不成雲外夢燕樓空鎖
雨中寒千年風雅教誰主一曲淒涼只自彈又恐孤山梅漸老明
朝相約過長安

卷之五

詩

山

遊

禮

禮

一

巧

六

李

李

李

禮

禮

禮

客詩酒何妨報荅春柳帶梳風黃尚淺草茵鋪雨綠將勻約君攜手同行樂趁取東郊景物新

次倪梅村見寄韻

江湖不恨知心少只怕相逢雪上頭萬事悠悠雙弊屣百年渺渺一虛舟共斟荷露吟終日坐挹松風喜近秋更好停杯溪月上不妨為我夜深留

鄭介道見訪

數杯楊柳種多年今日方維勝客舡掃石共看山色坐枕書同聽雨聲眠溪羹旋煮蕝煎滑野飯新炊白玉圓不啻歸心忙似箭強留吟過菊花天

謁范文正公祠

半龕遺像飾貂蟬往事猶思慶曆前未說西朝親捧日且言一柱
獨擎天山林村與書生管香火當同信史傳獨恨軍中無此老如
今西賊又侵邊

錢塘懷古

鬱鬱東南旺氣浮吳爭越戰幾春秋一從柳色渾無恙五月荷花
半是愁隆替且容吾輩老英雄都付此江流中原苦被淮山隔莫
向西風更倚樓

九日僧舍偶成

落帽年年學孟嘉今年偶客梵王家石牀齋散門初掩細雨聲中
對菊花

宮主祠

玉鏡臺封懶畫眉傷心最是月明時君恩漸絕門深掩落盡閑花

竟不知

林節之

題杜甫遊春

駟馬橋邊路百花潭上莊少陵今不作載酒吊斜陽

史伯璿

字文幾平陽人自幼嗜學博通經史嘗著四書管窺及管窺外編隱居不仕

與岳太守席上紀遊

橫塘遙遙飛隼隼太守適意遊精蘆精蘆獨倚鳳山陔秋來面目
无清癯從遊達官與文士愛此幽夏來于千東都野客有餘韻詩
墨快洒多淋漓

黃友

字龍友平陽人年十五挺身報國官至制置司參謀贈中大夫

挽高都護

務身碎骨勇無難祇為君恩重太山風淡月明都護府功名千古

在人間

顧華

水西亭

橫陽城西池水清
鴛鴦鷓鴣交相鳴
輕舸細網密如織
幽人高卧
池中亭昨夜涼風起
天末秋思先驚入
毛骨城頭鼓角東方明
起看青山半嚼月

和陳子上避地於闕

龍泉光射斗牛寒
以別令人夜夜看
湖海定添雙鬢雪
乾坤誰識寸心丹
歌傳樂府成新調
書到家鄉憶舊觀
梅菊歸來尚無恙
先生何處獨恁門

即事

古樹黃昏帶遠烟
瑤臺入夜月當天
涼風忽洒庭階樹
玉露滴衣

人未眠

開門不見故人來
翠竹陰陰護碧苔
小玉自拈檀板
至夜深一曲
紫雲回

水西亭

溫

温州市图书馆

